

Alkitab Sagan Kakanakan

Mengenal akan



Lakian
nang Kada
Handak
Bungkuk



Panulis: Edward Hughes

Nang manggambar: Jonathan Hay
Alastair Paterson

Nang manyusun: Mary-Anne S.

Nang mangartikan: Lega Pitanatal Amiani;
Nadya Cristine Armelia br. Tumorang


Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.





Raja Nebukadnezar maulah sabuah patung amas nang ganal banar. Sabarataan diulah matan amas, matan kapala sampai batis. Luku raja sudah kada ingat mimpi nang dibari Allah tantang karajaan Amas nang kada pacangan bataan salamanya. Luku inya bapikir, amun inya maulah patung nang sabarataan diulah matan amas, maka sabarataan nang diujar Allah kada pacangan tajadi.



Salah sabuting palayan raja mambacakan sabuah pasan ka sabarataan urang: "... Ikam harus sujud lawan manyambah ka patung amas ngini. Lawan siapa nang kada mau sujud lawan manyambah pacangan dibuang ka dalam parapian api."



Sabarataan urang malakuakan napa nang diparintahkan ulih raja kacuali talu urang. Buhannya adalah urang Ibrani. Buhannya adalah Sadrakh, Mesakh, lawan Abednego, kawan Daniel. Kayanya pas ngintu Daniel rahat kada disana, ulih sudah pasti inya jua pacangan manulak manyambah barhala ulahan manusia.



Urang-urang bijak raja iri ka Daniel lawan kawanannya ulih raja katuju banar lawan buhannya. Pas buhannya baucap, "Ada talu lakian nang sudah raja andak jadi pangatur wilayah Babel - Sadrakh, Mesakh lawan Abednego. Buhannya, ya raja, kada mamatuhi parintahmu. Buhannya kada malayani diwa raja atawa manyambah patung amas nang sudah diulah ulih yang mulia."





Raja Nebukadnezar sarik banar. Inya mamparingati buhannya, "Amun buhanmu kada manyambahnya, buhanmu pacangan dibuang ka dalam tungku baapi. Lawan allah mana nang mambibasakan buhanmu matan parapian?"



Raja maulah kasalahan ganal. Inya bujur-bujur manantang Allah nang hidup. Katalu urang Ibrani ngintu tahu pada hal ngini batatangan lawan parintah Allah lawan manyambah barhala. Buhannya tatap badiri kada guyah. Ulih buhannya parcaya ka Allah, buhannya kada takutan ka raja.



Katalu urang ngini manjawab ucapan raja. Buhannya baucap, "Allah kami pacangan mambibasakan kami matan tungku baapi ngintu. Tapi mun kada, kami padahi ka ikam, ya raja, kami kada pacangan manyambah barhala amas nang ikam ulah."



Raja Nebukadnezar
sarik banar! Inya
mamarintahakan hagan
mamasakan tungku
api ngintu tujuh kali
labih panas matan
biasanya. Lawan katalu
urang ngintu tatap kada
mau balutut.



Raja mamarintahakan urang-urang kuat nang ada di tantaranya hagan maikat Sadrakh, Mesakh lawan Abednego lawan lawan

manimbai buhannya ka dalam tungku api.




Api ngintu panas banar sampai
nyalanya mambunuh tantara
nang kuat ngintu, pas
buhannya mamaraki api
lawan manimbai
Sadrah, Mesakh,
lawan Abednego.



Raja melihat ngintu matan jauh. Inya malihat katalu lakian ngintu bujur-bujur ditimbai ka tangah-tangah tungku baapi ngintu. Tapi kada ngintu haja nang dilihat raja.



Raja Nebukadnezar takajut banar! "Bujurkah kita bujur-bujur manimbai talu lakian ngintu ka dalam tungku api?"



Raja batakun ka palayannya. "Bujur,
ya raja!" buhannya manjawab.
"Lihat! Aku malihat ampat
lakian selamat, bajalan
di tengah-tengah api,
lawan buhannya kada
luka. Lawan saikung
matan buhannya
dilihat kaya
Anak Allah!"



Mamaraki lawang matan tungku baapi ngintu, raja bakuciak, "Sadrah, Mesakh, lawan Abednego, palayan matan Allah nang Mulia, kaluarlah!" Imbah ngintu Sadrah, Mesakh lawan Abednego kaluar matan tungku baapi ngintu.



Sabarataan urang bakumpul lawan mamariksa katalu urang Ibrani ngintu. Buhannya sudah malihat pada api ngintu kada kawa mambakar buhannya. Kada sahalai rambut buhannya hangit lawan baju buhannya kada tabakar kadada bau api di buhannya.



Pas sadar lawan napa yang sudah tajadi,
raja Nebukadnezar malakukan sasuat nang
mangagumakan. Inya badua, lawan baucap, "Tapujilah
Allah matan Sadrakh, Mesakh lawn Abednego! Allah
buhannya sudah mangirim malaikat-Nya lawan sudah
manyalamatakan palayan nang parcaya ka Inya."



Lakian nang Kada Handak Bungkok

Sabuting kisah matan Firman Tuhan, Alkitab

Taulih dalam

Daniel 3

"Amun tabuka, firman-firmanPian mambari
pamahaman." Mazmur 119:130



Tunting



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

